



Adresa: **Ul. Hamdije Čemerlića 39a**  
71000 Sarajevo  
<http://www.voda.ba>

tel. +387 33 726 400  
fax. +387 33 726 414  
e – mail: [info@voda.ba](mailto:info@voda.ba)

Broj: **UP-1/21-2-40-419-4/25**

Datum: **12.11.2025. godine**

«Agencija za vodno područje rijeke Save» Sarajevo rješavajući po zahtjevu pravnog lica AME d.o.o. Breza za donošenje rješenja o vodnoj saglasnosti za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta i ispuštanje oborinskih onečišćenih voda sa lokacije skladišnog objekta sa pratećim sadržajima, koji se planira graditi u sklopu Privredne zone „UNIS“, općina Vogošća, na osnovu člana 109. stav (1) tačka 2., a u vezi sa članom 114. Zakona o vodama („Sl.novine FBiH“ broj: 70/06) i članom 200. stav (1) Zakona o upravnom postupku („Sl.novine FBiH“ broj: 2/98, 48/99 i 61/22),  
**donosi**

### **R J E Š E N J E** **o vodnoj saglasnosti**

1. Daje se vodna saglasnost pravnom licu „AME“ d.o.o. Breza za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta i ispuštanje oborinskih onečišćenih voda sa lokacije skladišnog objekta za skladištenje građevinskog materijala sa pratećim sadržajima, koji se planira graditi na zemljištu označenom kao k.č. broj 2751/301 K.O. Vogošća, općina Vogošća, u skladu sa projektnom dokumentacijom:  
„Glavni projekat vanjskih hidroinstalacija poslovno-skladišni objekat“, urađen od strane projektne kuće „PERSPEKTIVA-inženjering“ d.o.o. Visoko, maj 2025. godine.  
Ova vodna saglasnost može se koristiti isključivo u postupku pribavljanja odobrenja za građenje u skladu sa Zakonom o građenju.
2. Projektna dokumentacija navedena u tački 1. ovog Rješenja, ovjerena je u skladu sa odredbama člana 114. stav (3) Zakona o vodama i ista je sastavni dio ovog rješenja.
3. Ova vodna saglasnost ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
4. Vodna saglasnost se donosi na osnovu utvrđenog činjeničnog stanja i pregleda dostavljene projektne dokumentacije iz tačke 1. dispozitiva i čini sastavni dio ovog Rješenja, a ista se, ovjerena od strane ove Agencije, vraća podnosiocu zahtjeva na trajno čuvanje. Vodna saglasnost se donosi na temelju utvrđenog činjeničnog stanja, kako slijedi, prema uslovima iz Rješenja o prethodnoj vodnoj saglasnosti:
  - 4.1. Radove na izgradnji sistema za prikupljanje, tretman i ispuštanje otpadnih voda sa predmetne lokacije izvesti u skladu sa projektnom dokumentacijom iz tačke 1. dispozitiva ovog Rješenja.
  - 4.2. Namjena objekta treba biti u skladu sa Odlukom o zaštiti Peračkog vrela i zahvata iz otvorenog vodotoka rijeke Vogošće, obzirom da se isti nalazi u III zoni sanitarne zaštite izvorišta vode za piće.
  - 4.3. Način ugradnje separatora i stavljanje istog u pogon uskladiti sa proizvođačem opreme u svim fazama.
  - 4.4. Izgradnju kontrolnog revizionog okna, odnosno okna za monitoring, izvesti neposredno prije ispusta u definisani recipijent.
  - 4.5. U toku radova iskopani materijal se ne smije ni privremeno odlagati na česticu „vodno dobro“, odnosno u vodotoke i na njegove obale.
  - 4.6. U toku izvođenja radova, neophodno je poduzeti sve potrebne mjere zaštite, da predmetnim aktivnostima ne dođe do nastanka štete ili nepovoljnih posljedica po vode i vodni režim, kao i postojeće korisnike voda.

4.7. Podnosilac zahtjeva je obavezan ispoštovati uslove iz Rješenja o urbanističkoj saglasnosti donesenog od strane Službe za urbanizam i prostorno planiranje, općine Vogošća, broj: 05-19-1707/24 od 15.05.2024. godine.

5. Ukoliko izvođenjem predmetnih radova dođe do promjene režima površinskih ili podzemnih voda, a ta promjena prouzrokuje štete ma kakvog karaktera, Investitor je obavezan uzroke štete otkloniti, a procijenjenu štetu nadoknaditi.
6. Po završetku izvođenja radova i obavljenog tehničkog pregleda izvedenih radova, korisnik vodne saglasnosti dužan je podnijeti zahtjev za vodnu dozvolu za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta na predmetnoj lokaciji. Zahtjev se dostavlja u skladu sa članom 12. i 19. Pravilnika o sadržaju, obliku, uslovima, načinu izdavanja i čuvanja vodnih akata („Sl.novine FBiH“ broj: 31/15, 55/19, 41/20 i 63/22).
7. Korisnik ove vodne saglasnosti nema pravo na naknadu eventualnih šteta prouzrokovanih plavljenjem i iste padaju na njegov teret.
8. Ova vodna saglasnost prestaje važiti istekom roka od dvije godine od dana pravosnažnosti iste, ukoliko u tom periodu ne bude pribavljeno odobrenje za građenje i započeti radovi.
9. Ovo rješenje o vodnoj saglasnosti se može izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

### **Obrazloženje**

Pravno lice „AME“ d.o.o. Breza obratilo se ovoj Agenciji sa zahtjevom za donošenje rješenja o vodnoj saglasnosti za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta i ispuštanje oborinskih onečišćenih voda sa lokacije skladišnog objekta za skladištenje građevinskog materijala sa pratećim sadržajima, koji se planira graditi na zemljištu označenom kao k.č. broj 2751/301 K.O. Vogošća, općina Vogošća.

U prilogu zahtjeva podnosilac je dostavio slijedeću dokumentaciju:

- Ovjerena kopija Aktuelnog izvoda iz sudskog registra Općinskog suda u Zenici broj: 043-0-RegZ-25-002966 od 22.09.2025. godine;
- Ovjerena kopija Uvjerenja o poreznoj registraciji datog od strane Porezne uprave – Kantonalni ured Zenica dana 13.09.2005. godine;
- Kopija Rješenja o urbanističkoj saglasnosti za izgradnju poslovnog objekta u ul. Igmanska bb u Vogošći – Privredna zona „UNIS“, na zemljištu označenom kao k.č. broj 2751/301 K.O. Vogošća, donesenog od strane Službe za urbanizam i prostorno planiranje općine Vogošća, broj: 05-19-1707/24 od 15.05.2024. godine;
- Kopija uslovne načelne saglasnosti za priključak na vodovodnu, hidrantsku i kanalizacionu mrežu date od strane BAGS ENERGOTEHNIKA d.d. Vogošća od 19.09.2025. godine;
- Glavni projekat vanjskih hidroinstalacija poslovno-skladišnog objekta, urađena od strane projektne kuće „PERSPEKTIVA-inženjering“ d.o.o. Visoko, maj 2025. godine;
- Konačni izvještaj o izvršenoj reviziji projektne dokumentacije, „Zavod za vodoprivredu“ d.d. Sarajevo, maj 2025. godine;
- Dokaz o uplaćenju upravnoj pristojbi.

Nakon uvida u dostavljenu projektnu dokumentaciju utvrđeno je slijedeće:

Predmetni poslovni objekat – skladište građevinskog materijala sa pratećim sadržajima, planira se graditi na zemljištu označenom kao k.č. broj 2751/301 K.O. Vogošća, općina Vogošća.

Provođenje aktivnosti na izgradnji predmetnog objekta usklađeno je sa planskim dokumentima (izdato Rješenje o urbanističkoj saglasnosti) i nije u koliziji sa interesima sektora voda, a nalazi se u III zoni sanitarne zaštite izvorišta vode za piće, gdje je dozvoljena izgradnja poslovnih objekata uz uslov adekvatnog rješavanja dispozicije otpadnih voda, uz standardne i dodatne mjere zaštite, navedene u projektnoj dokumentaciji.

Parcele na kojima se planira graditi predmetni objekat se ne nalaze u vodnom dobru niti u poplavnom području vodotoka I kategorije.

Priključenje predmetnog objekta na javnu vodovodnu i kanalizacionu mrežu će se izvršiti prema uslovima datim od strane BAGS ENERGOTEHNIKA d.d. Vogošća.

Projektna dokumentacija, dostavljena uz zahtjev, urađena je od strane pravnog lica „PERSPEKTIVA - inženjering“ d.o.o. Visoko, maj 2025. godine, koje ima Ovlaštenje izdato od strane Federalnog ministarstva poljoprivrede, vodoprivrede i šumarstva (sa liste „A“).

Projektna dokumentacija urađena je u skladu sa uslovima iz Rješenja o prethodnoj vodnoj saglasnosti donesenog od strane Agencije za vodno područje rijeke Save, broj: UP-1/21-1-40-547-8/24 dana 21.01.2025. godine, te je shodno članu 114. Zakona o vodama upisivanjem broja i stavljanjem otiska pečata Agencije za vodno područje rijeke Save na projektnu dokumentaciju: Glavni projekat vanjskih hidroinstalacija poslovno-skladišnog objekta, urađena od strane projektne kuće „PERSPEKTIVA-inženjering“ d.o.o. Visoko, maj 2025. godine.

Na osnovu utvrđenog činjeničnog stanja, a u cilju smanjenja negativnih uticaja predmetne gradnje na stanje voda i vodni režim, podnosiocu zahtjeva su ovom vodnom saglasnosti, u dispozitivu ovog Rješenja, propisani uslovi u skladu sa odredbama Zakona o vodama i Pravilnika o sadržaju, obliku, uvjetima načinu izdavanja i čuvanja vodnih akata koje je potrebno ispuniti prilikom izvođenja predmetnih radova.

Podnosilac zahtjeva je uplatio upravnu taksu u iznosu 60, 00 KM u skladu sa članom 7. stav 1. Tarifni broj 43. Zakona o federalnim upravnim taksama („Sl.novine FBiH“ broj: 6/98, 9/08, 45/10 i 43/13).

#### **Uputa o pravnom lijeku:**

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka: Aida Bezdob, dipl.inž.građ.

Po ovlaštenju  
Rukovodilac sektora za izdavanje  
vodnih akata



Nihad Pezo, dipl.inž.građ.

#### **PRILOG:**

- Glavni projekat vanjskih hidroinstalacija poslovno-skladišnog objekta, urađena od strane projektne kuće „PERSPEKTIVA-inženjering“ d.o.o. Visoko, maj 2025. godine,
- Revizija glavnog projekta, „Zavod za vodoprivredu“ d.d. Sarajevo, maj 2025. godine.

#### **Dostaviti:**

- AME d.o.o. Breza, Branilaca grada bb, 71370 Breza (sa prilogom)
- ⊖ ISV - vodna knjiga,
- Sektor 40 - arhiva
- Oglasna ploča AVP Sava